

سنه لکی در سعادت ایچون مجیدیه
یکرمی غروش حسابله التمش
غروشدر

طشره ایچون بوسته اجرتی اوله رق
اون بش غروش ضم اولتور

نسخه سی ۴۰ پاره در

قانون مجازات

آبونه اولق ایستینلر دائره عدلیه ده
اداره مخصوصه سنه مراجعت
ایتملدر

اعلاناک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولتور. محویاتی امور عدلیه به متعلقدر

توضیحات

قسمطونی ولایتی استیناف محکمه سی جزا دائره سی ریاستی قونیه ولایتی مرکز بدایت محکمه سی حقوق دائره سی رئیس فیضیلو شاکر افندی به قونیه ولایتی مرکز بدایت محکمه سی حقوق دائره سی ریاستی خداوندکار ولایتی مرکز بدایت محکمه سی جزا دائره سی رئیس عزتو بیجی ذکائی بکه خداوندکار ولایتی مرکز بدایت محکمه سی جزا دائره سی ریاستی اطنه ولایتی مرکز بدایت محکمه سی جزا دائره سی رئیس عزتو نشئت بکه اطنه ولایتی مرکز بدایت محکمه سی جزا دائره سی ریاستی بیروت ولایتی مرکز بدایت محکمه سی مدعی عمومی معاون سابق عزتو محمد علی افندی به تفویض بیورلمش ومومی الیهمدن شاکر افندی ایله نشئت بکک مأموریت سابقه لرینه حین تعیینلرنده امر تحلیف لری اجرا قلمش اولدینی کبی ذکائی بک ایله محمد علی افدینک ده علی الاصول اجرای تحلیف لری محله لرینه تبلیغ وانبا اولنمشدر.

کوتاهیه سنجانغی بدایت محکمه سی جزا دائره سی رئیس رفعتو یوسف نهاد بکه رتبه نالته توجیه بیورلمشدر.

تبلیغات

قباحت و جنحه ایله مظنون واقامتگاهی مجهول اولان شخص غائب حقه نه وجهله تبلیغات اجرایی ایجاب ایده جکنه دائر در سعادت استیناف مدعی عمومی میلکندن وقوعبولان استفسار اوزرینه کیفیت انجمن عدلیه لدی التذکر استفسار اولنان مسئله سرقت وتشهیر سلاح ماده لرندن طولانی مظنون اولوب بولنه میان واقامتگاه لری مجهول اولان بعض اشخاصک غیاباً اجرای محاکمه لری ایچون اذینه قضاسی بدایت محکمه سندن اصول محاکمه حقوقیه قانونیه توفیقاً تنظیم اولنان بر طاقم اعلان ورقلرینک غزنه لره درج ایتدیرلمک اوزره ارسال ایدلمش اولسندن حادث

محاکمات جزایه قانونک مواد مخصوصه سی احکامنه توفیقاً در سعادت جنایت محکمه سنده محاکمه سی اجرا قلمق اوزره عسکری جزا قانوننامه هایوننک یوز اوتوز ایکنجی ماده سی موجب جنایتله اتهامنه قرار ویرلدیکندن متهم مرقومک هر زرده کوریلور ایسه طویلوب محکمه مذکوره توقیفخانه سنه تسلیمی لازم کله جکی بالمله ضابطه عدلیه مأمور لرینک معلومی اولق اوزره اشبو اخذ و گرفت مذکره سی در سعادت هیئت اتهامیه سندن بالتنظیم اعطا قلدی.

محمد بن بلقاسمک کیفیت قتلدن دولایی جنایتله اتهام اولنان محمد بروف بن علی العکارک اون بش سنه مدته کورکه قونلشنه دائر طرابلس غرب ولایتی استیناف محکمه سی جزا دائره سندن ویریلان ۲۴ نومرولی اعلام

کوسته قریه سندن نادر بن محمدی قتل ایلدیکی ادا اولنسنندن دولایی جنایتله اتهام اولنان فلاح عزیز بن سعیدک اون بش سنه مدته کورکه قونلشنه دائر سلیمانیه سنجانغی بدایت محکمه سی جزا دائره سندن ویریلان ۱۴۴ نومرولی اعلام

کیلیولیل قیوجی واسیلک آلت مخصوصه ایله لیلآ دکائی آچهرق بالدخول کموش یوزوک واشیای سائره سی سرقت ایلدیکی ادا اولنسنندن دولایی جنایتله اتهام اولنان موسی بن یونسک اوچ سنه مدته کورکه قونلشنه دائر کیلیولی سنجانغی بدایت محکمه سی جزا دائره سندن ویریلان ۲۹۰ نومرولی اعلام

معدن قزاسنک پیران ناحیه سندن موسی بن احمد غزنالی قتل ایلدیکی ادا اولنسنندن دولایی جنایتله اتهام اولنان موسی بن محمد علینک اون بش سنه مدته کورکه قونلشنه دائر ارغنی سنجانغی بدایت محکمه سی جزا دائره سندن ویریلان ۱۱ نومرولی اعلام

اولوب حالبوکه اصول محاکمات جزایه قانونی جنایاته متدائر اولان افعال جرمیه معاملات غیابیه سی مستثنا اولق اوزره بوکبی جنحه و قباحت درجه سنده کی جرائمک عن الغیاب اجرای محاکمه سی مظنون علیهمک ذاته ویا اقامتگاهنه تبلیغات ایفاسنه تعلق ایتمکده اولسنه ودعاوی حقوقیه اصول محاکمه سنه مراجعت دخی قانون مخصوصنده صراحت کافی موجود اولمان خصوصاته منحصر بولنسنه نظراً مواد جزایه به متعلق تبلیغاتک صور اجرائیه سنجه سالف الذکر اصول محاکمه حقوقیه قانونک مدار تطبیق اوله میه جنی بدیهی وبوقوله جنحه و قباحت متدائر جرائمندن طولایی الیوم محاکم مرکز به جه جاری اولان اصول وقاعده وجهله شکایت وقوعنده مشکی ومدعی شخصیدسنه مظنون علیهمک اقامتگاهی تعیین ایتدیرلرکن و عدم معلومات بیان ایلدیکی ومظنون دخی میدانده اولمدینی تقدیرده وظائف مودوعه لری ایجابجه بوباده تحقیقات ابتداییه اجرا ایتک اوزره ضابطه عدلیه به حواله کیفیت اولنه رق محاکم جزایه جه صراحت قانونیه دائره سنده اجرای محاکمه به اساس اوله بیله جک معلومات استحصال ایدلرکن صکره اوراقی موقع محاکمه به سوق واسرا قلمق ومدعی عمومیلک جانیندن رأساً تعقیبات اجرا اولنه جق بوقیل جنحه و قباحت مرتکب لری حقه دخی ششو صورته توفیق حرکت اولنق مقتضی بولنمش اولدیغندن خصوص مزبور ایله احوال نمائنده صورت مسزوده وجهله معامله اتخاذ واجراسی لزومک جواباً استیناف مدعی عمومیلکنه اشعاری افاده قلمشدر.

محاکمات و مقررات

در سعادت استیناف مدعی عمومی میلکنده:

اسکندر یه فرار ایلدیکی ادعاسیله مظنون علیه اولان درامه لی حمدی بن حاجی احمدک فعل مدعا به مجاسرت ایلدیکی قومیسسیون مخصوصنک مضبطه سی مندرجاتندن اکلشلدیغندن اصول

ملاطيه مك چرمجدي قريه سندن قدری قتل ابلديكى ادعا اولمىسندن دولاي جنائتله اتهام اولنان قريه جهمد بن عمر ك اون بش سنه مدته كوركه قولمىسنة دائر اطنه ولايتي استيناف محكمه سي جزا دائره سندن ويريلان ۱۵۸ نومرولى اعلام خليل اوغلى خليلك ليلا آخور قوسنك كلديني قيره درق حيوانلرني سرفت ايتلرندن دولاي جنائتله اتهام اولنسان محمد ورفيق اسعد بن حسين چاوشك اوچر سنه مدتارله كوركه قولمىسنة دائر دكزلى سنجانى بدایت محكمه سي جزا دائره سندن ويريلان ۱۲۳ نومرولى اعلام

زوجه سي زيني ضرب ايدرك وفاتنه سيبيت ويرمىسندن دولاي جنائتله اتهام اولنان چيوك اوغلى يوسف بن اسماعيل آتى سنه مدته كوركه قولمىسنة دائر قوشهرى سنجانى بدایت محكمه سي جزا دائره سندن ويريلان ۲۴ نومرولى اعلام

بيرامك كيفيت جرخندن دولاي جنائتله اتهام اولنان حسنك زوجه سي اسمانك اوچر سنه مدته كوركه قولمىسنة دائر معموره العزير ولايتي استيناف محكمه سي جزا دائره سندن ويريلان ۳۰ نومرولى اعلام كره بنه قضاسنك اولده قريه سندن كراچي يوركي قسطه ورفقاسنك اثنای راهده اوكنه چيقه درق ضرب وتقود موجودلرني اخذ وغضب ايتلرندن دولاي جنائتله اتهام اولنان سچستلى خرستو ولد ياني ايله مترو ولد سنايويونيك اوچر سنه مدتارله كوركه قولمىسنة دائر سرفيجه سنجانى بدایت محكمه سي جزا دائره سندن ويريلان ۲۹ نومرولى اعلام محكمه تمين جزا دائره سنجه تصديق اولمىسندر.

۲۶۴ نومرولى نسخده مندرج درسمعات

جنائت محكمه سي اعلامنك مابعدى :

مهم بوشاهدك دخي شهادتي قبول ايتيمه جكني سويلدى .

غلطده بايزيد جديد محله سنده حصار دينده بكچيلره مخصوص كلبه ده مقيم محل مذكوره بكجي بكرمي بش باشنده نوشهرلى محمد بن حاجي ابراهيم وقعه كچه سي ساعت درت راده لرنده بايزيد زقاغنده بركورلتي ايشتمكله پوليس بهجت افندي ايله مذكور زقاغه كيتدكلرنده مهم رفتك رشخص طرفندن تعقيب ايدلديكي حالده قوشمقده اولديني كورملايله مرقومى در دست ايتدكلرني ومرقوم رفتك لرنندن قورتلق اوزره سيلكنمش ايسه ده براقدقلىني وبوصره ده مجروح اوله درق واسيل كلوب ني رفت اوردى دهر ك ياره سنى كوسترديكنى ورفعتي قريه .

غولخانه به بعد التسليم تحريات اجرا ايتدكلرنده خرما زقاغنده برقاوبرقن دها ايلورده كي زقاغه لاستيك وبر باستون بولدقلىني وقا قانلى ايدوكنى مضبوط افاده سي وجهه بيان ولدى السؤال بجاغى بولدقلىني محله قريه قارك اوزرنده بر آدمك اورياه دوشديكى ازانه ايدر بر محل مشاهده ايتديكى واولوقت مهم برازسكر حال ايدوكنى وحقنده شهادت ايدلديكي شخص حاضر بولنان مهم ايدوكنى ايتان ابلدى . مهم بوشاهدك دخي قبول ايتيمه جكني سويلدى .

امانت دائره سندن كتوردلش اولان قاولاستيكلر ويليك ابتدا مهمه وصره شاهدرله ازانه ايدلده لاستيكلر ايله يلك كندوسنك اولوب قاكندوسنك اولديني بيان وشاهدلردن بهجت افندي وبكجي محمد ايسه محل وقعه ده بولنان قاولاستيكلر بولنر ايدوكنى درميان ايديلر .

شاهدلردن پوليس احمد افندي وبكجي مصطفى كلامش ومناسرتى ياولنك بولنه مديني جليسامه سي زيرنده محرر شرحدن اكلاشمش ولدى السؤال شاهدلردن پوليس ابراهيم افندي احمد افنديك وظيفه باشنده اولديني وبكجي محمد دخي مصطفاسنك خسته اوله درق خسته خانه ده ياقمده بولدقيني سويلش اولدقارندن معاون مومى الهيك طليله پوليس احمد

افنديدن يارم التون جزاي نقدي اخذ اولتق اوزره احضاراً وبكجي مصطفانك مجدداً جلب اولمىسنة وباولي حقنده نحرى بوسله سي يازلمىسنة ومحاكمه نك يوم آخره تعلقته متفقاً قرار وبريله درق طرفينه تفهيم ايديلوب مابيسك بكمنجي صالى كوني مهم توقيف خانه دن كتورديله درق وكلي محمد طلعت ومدعي عمومي معاونلرندن ادهم بلكر حاضر اولدقلىني حالده محاكمه علنيه به دوامله كچن محاكمه ده بكدن جليبه قرار ويرلمش اولان غلطده حصار دينده كلبه ده مقيم

اللئ باشنده نوشهرلى مصطفى بن يوسف وجزاي نقدي ايله محكوم بولنان غلطه مركزنده مستخدم پوليس چاوشى اونوز بش باشنده احمد افندي ابن ابراهيمك ورود ايتدكلرى خبر ويرلمكله حضور محكمه به چيقاريله درق لدى السؤال مهم ايله مقتوله قربت ومناسبت وخصومتارى اولديني اكلاشلردن واصولى وجهه تخيلفلى اجرا قلندقدن صكره منفرداً ومواجهه استاع اولدقلىني بولنردن مصطفى وقعه كچه سي ساعت درت راده لرنده غلطده ارمني

كلبساي زقاغنده براى وظيفه طولاشمقده ايكن قفسجي زقاغنك اوست طرفنده واقع خرما چقماز زقاغنده بر شخصك طونك ادبو باغرديني ايشتمسيله بايزيد زقاغه كيرديكنده تصادف ايدلديكي بر شخصك

كندوسنه خطاباً بو آدمى طوت بخي اوردى ديواوكده كيتمكده اولان مهم رفتي كوسترديكنى واوصره ده بكجي محمد وبوليس بهجت افندي دخي كلوب مرقومى در دست ايتدكلرني ومجروح مرقوم رفتي ازانه ايله ني بو اوردى ديديكنى ورفعتك در دست ايدلديكي محله كندوسى برلاستيك بولدقيني كهي اورالده ديكرتك برلاستيك وبرقا وبرقن دخي سارلارى طرفندن بولنش ايدوكنى مضبوط افاده سي وجهه اخبار وحقنده شهادت ايدلديكي شخص حاضر بولنان مهم ايدوكنى تذكار ابلدى .

مهم رفت سبب بيان ايتيمه درق بوشاهدك شهادتي قبول ايتيمه جكني سويلدى .

احمد افندي دخي مهم رفت ايله برابر مقتول واسيل قريه غولنه كتوردكلرنده واسيلدن جارخنك كيم اولديني سؤال ايتدكلرنده مرقوم رفتي ازانه ايله ني بو جرح ايتدى ديديكنى وسبب جرحي سؤاللرنده رفتك اختيار واسيل اسنده برني ضرب ايتمىسندن طولاي يينلرنده نزاع وقوعولديني سو- يلديكنى افاده سنه موافق اوله درق ياد ولد السؤال مقتولك افاده سنى ترصد مأمورى پوليس چاوشى عربكلى مصطفى افندي ضبط ايتديكى وحقنده شهادت ايتديكي شخص حاضر بولنان مهم ايدوكنى ايراد ابلدى .

مهم رفت بوشاهدك افاده سنى قبول ايتيمه جكني سويلدى .

شاهد پوليس چاوشى احمد افنديك كچن محاكمه كوني مهم برخدمته سوق ايدلديكندن طولاي محكمه به كله مديكي جزاي نقدي اعلامي ظهرينه يازيلان شرحدن اكلاشلديغندن معاون مومى الهيك طليله محكوم اولديني جزاي نقدين عفوينه متفقاً قرار وبريله درق اكلاشلدقدن صكره بودقنه معلوماتى اولديني استخبار قلتان وبوكون ورود ايتش اولان غلطده مقيم سودجى اون سكر باشنده مناسرتى آندريا ولد علكسينك اظهار حقه مدار اولتق اوزره استماعي

جانب رياستنك تسبب ايدلكله مرقوم حضور محكمه به چيقاريله درق لدى السؤال مهم ايله مقتوله مناسبت وخصومتى اولديني اكلاشيله درق وكندوسنه اخذارات لازمه ايفا قلنه درق استماع ايدلده وقعه كچه سي مقتول واسيل ايله برابر اوله سنه كيتمكده لوكن برسرخوش ايله مهم رفتنه تصادف ايتملايله واسيل ورفعت سرخوشى قالدروب ميخانه دوننه براتق ايتدكلرى ائشاده سرخوش رفتنه اطاله لسان

ايتيمه رفت سرخوشه طوقاله اوردقيني واولوجهه رفتك سرخوشه طوقاله اورمىسندن طولاي مرقوم رفت ايله واسيل ييننده ديل منازعه سي ظهور ايدرك

رفتك تشهير ايتديكي قاسيله واسيلي صول بوكرندن جرح ايدوب فرار ايتديكى وواسيلك دخي طونكر ديو فریاد ايدرك رفتي تعقيه باشلايديني وانشای فرارنده رفتك بكجي طرفندن در دست ايدلديكي كورديكنى درميان ايتدى .

مهم سبب كوستريمه درق مرقوم آندريانك دخي اخبارني قبول ايتيمه جكني سرد ابلدى .

پوليس چاوشى احمد افنديك افاده سنده اسمى ذكر اولنان ترصد مأمورى مصطفى افنديك جانب رياستنك اظهار حقه مدار اولتق اوزره جلي تسبب ايدلديكندن وحقنده نحرى بوسله سي ويريلان ياولي ورود ايتدكلرندن معاون مومى الهيك طليله مرقوم حقنده تا كيداً نحرى مذكوره سي تسطيرينه ومحاكمه نك يوم آخره تعلقته متفقاً قرار وبريله درق بالتفهيم حزرانك اونجى صالى كوني مهم رفت توقيف خانه دن كتورديله درق وكلي محمد طلعت ومدعي عمومي معا- ونلرندن ادهم بلكر حاضر اولدقلىني حالده محاكمه علنيه به دوامله هيئته قسماً تبديل وقوعنه مبنى ضوابط سابقه قرائت ايتديله درق مندرجاتي طرفين تصديق ابلدى .

(مابعدى كله جك نسخيه)

اسماعيل وحسين وتوفيق وعلى وحسن ومصطفى و ابراهيمك شهادت كاذبه ده بولدقلىني اصولاً ثابت اوله مديغندن برائت لرنه

على ايله سليمانك يكديكرني ضرب ايدلكلرى ثابت اوله مديغندن برائت لرنه

قله آتى ايله ايتنك كرايكچيني ضرب ايتدكلرى ثابت اوله مديغندن برائت لرنه

يوناني سوقراطك خانه سي باجاسنى تطهير ايتد- يرميه درق اشتعاليه سيبيت ويرديكي اكلاشيله مديغندن برائت لرنه

دشرانك فيلوانم قادينه اطاله لسان ايدلديكي ثابت اولديغندن مرقومدن يارم ليرا جزاي نقدي آلمىسنة مصطفى ايله يعقوبك يكديكرني ضرب ايتدكلرى ثابت اولديغندن بر هفتة حبس لرنه

ناجونك قوجونى ضرب ايدلديكي ثابت اولديغندن كندوسندن برليرا آله درق مضروب اعطاسنه پوليس زيور افندي ايله عسكار شاهانه اونيا- شيلرندن اشرف اغايه اجراي مأموريت حالنده حقاتر ومرقوماتي ضربه جرات ايدلكلرى اصولاً ثابت اولان بيوكدره بالتعجيلرندن استاوري وبقال ماتئوباصمه جي عنكليك التيشر بيجق آى حبس لرنه

قره مان محله سنده ساكن مناو ولينك راشدى ضرب ايدلديكي ثابت اولديغندن اون كون حبسه

خليلك اموال منقوله سنه ايراك خسار ومرقومى ضرب ايدن لورايچودن برليرا آله درق خليله اعطاسنه

زاندارمه حسين اغايي اجراي مأموريت حالنده تخيير ومحله بكچيسى صالح اغايي دخي ضرب ايدلديكي ثابت اولان سودليجه ده ساكن سندالجي مصطفانك برآى حبسه

بكجي محمدك سرفت فعلنه اجناسارى اصولاً ثابت اولديغندن اتي آى حبسه

اسماعيل چاوشك برادري احمدى ضرب ايدلديكي تين ايتديكندن اون بش كون حبسه

اسراي زنجيه دن اولديني تحقق ايدن اياش باشاده ساكنه زنجيه مستوره به عقنامه اعطاسنه

ملياديك خانه سي باجاسنى تطهير ايتدريميه درق اشتعاليه سيبيت ويرديكي ثابت اولديغندن مرقومدن برعجديه جزاي نقدي آلمىسنة

ياقونك اوزرنده سلاح طاشيديني ثابت اولد- يفتدن كندوسندن ايكي بشلك جزاي نقدي اخذينه ديمتريك خلاف تيبه اوزرنده سلاح طاشيديني ثابت اولديغندن مرقومدن ايكي بشلك جزاي نقدي آلمىسنة

بلكر بكنده مقيم صوباجي حاجي رضانك عبدالهي ضرب ايدلديكي اقراريله ثابت اولديغندن كندوسندن برليرا آله درق مضروب ويرلسنه

بلقورليده ساكن محمد عيتنك ديمتريي ضرب وجرح ايدلديكي اكلاشلديغندن برآى حبسه

آزنيف نام چوچي بغير قصد آراه سنه چيكننديكي ثابت اولان رشدى بكدن مصارف جراحيه اوله درق تقدير ايديلان ايكويوز اللئ غروشك تحصيله

مصطفاني جرح ايدن ارن كوينده ساكن آراه جي عثمانك اوغلى ابراهيمك صغر سنى حسيله وليسنه تسليمه

ميخانه جي پنايوطك عرصه سندن طاش سرفت ايدن باركيور سوريچيسى قربانك برآى حبسه وكندو- سندن يوز اللئ غروش طاش بدلنك تحصيله

خطاء خليلك مجروحيته سيبيت ويرديكي ثابت اولان ترامواي آراه جيسى نوريدن مصارف جراحيه اوله درق تقدير ايديلان درت يوز غروشك تحصيله

محله آرسنده طباشجه آنديني تحقق ايدن قوله قپوسنده ساكن مارقونك بكرمي درت ساعت حبسيله برابر كندوسندن بش بشلك جزاي نقدي آلمىسنة درسمعات ، بك اوغلى واسكدار بدایت محكمه لرى جزا دائره لرنجه قرار ويرلشدر .

مخبرانه اخبار

بولي سنجانى بدایت محكمه سي اعضا سندن اسعد وآرتين وسوكياس افنديكلاف خلاف قانون مقررات اعطاسنه متجاسر اولدقلىني طرزوزن وقسطموني ولايتلرى عدليه بمقتضى كندون وارد اولان اوراق تحقيقيه مألرندن مستبان اوله درق اعضاي مومى الهيمك محاكمه آلتنه آلملرنيه عدليه نظارت جليله سندن مأذونيت اعطا واولوجهه محله تبليغات مقتضيه اجرا قلنمشدره .

اعلانبات

درسمعات استيناف رمعي عمر ميلكندنه :

اوجيوز اون آتى سنه سي تموزي اواخرنده كو كوهده مختار تاني جمال افانك قهوه خانه سي او- كندمكي اوله ده بيتوت وقبوجليق ايله خدمت ايدن بارلى عمر ك كيفيت غيبوبتسندن طولاي مهم اولوب حال فرارده بولنان ومرقوم ايله برلكده اقامت ايليان سليان حقنده اصول محاكات جزايه قانونك اوجيوز يتش برنجي حكمنجه معامله مقتضيه ايفا ومحاكمه غيايه بالا اجرا مرقومك عمرى قتل ايله ذكره آنديني شاهدرلك افاداتى واوراق تحقيقيه مندرج دلائل وامارات ايله ثابت اوله درق قانون جزانك يوز يتش درنجي ماده سنك فقره اولاسنه توفيقاً اون بش سنه مدته كوركه قولمىسنة واوتوز برنجي ماده قانوينه منطوقجه حقوق مدينه دن اسقاطيله مجبوز بولنان امواللك اصولى دائره سنده اداره ايتدبرلسنه محكمه جنائتدن حكم اولنش واصول محاكات جزايه قانو- نك اوجيوز يتش بدنجي واوجيوز يتش سكرنجي واوجيوز سكران برنجي ماده لريه مواد سارزه سي احكامنه توفيق معامله اولتمى مرجعه بيلدلمش اولغله مذكور اوجيوز يتش سكرنجي ماده نك جمله احكامندن اولديني اوزره اعلان كيفيه ايتدار اولتور.

بيغا سنجاني بدایت محكمه سي جزا دائره سنده :

بيك اوجيوز اون طقوز سنه سي تشرين اولنك برنجي چهارشنبه كچه سي ساعت بش راده لرنده بيغا قضاسنه تابع عثايه قريه سي مختارى ذكر بانك كيفيت جرح وقتلندن وحيوان سرفتي ماده سندن طولاي مظنون عليه اولوب درسمعات هيئت اتهاميه سندن جنائتله حقنده اخذ وكرفت مذكوره سي ويرلمش اولان واشكالى غير مضبوط بولنان قضاء مذكوره مربوط مقصوده قريه سندن حاجي نام شخص زمان قوقا تانديرو وادى فرارده اولوب الان اله بچوريله ماش اولمىسندن

ناشی اصول محاکات جزایه قانونک اوچوز یتش برنجی ماده سی موجبجه قانونه اطاعتله محکمه به کلسی ایچون جانب ریاستدن مجدداً اون کون مهل و برلمش اولدیغیدن مدت مذکوره ظرفنده اثبات وجود ایتدیکی حالد محاکمه سی غیاباً بالاجرا حقوق مدنیهدن اسقاط و اموالی حجز ایدیله جکی و بوباید مرقومک برکونه دعوی اقامه سنه حتی اوله میه جنی کجی بولندیجی محلی بیلنلر خبر ویرمهک و بالجمله ضابطه عدلیه مأمور- لرینک کندوسنی در دست ایتکه مجبور بولندقلری اعلان اولنور .

ساقز بدایت محکمه سی مقرری دأره سنده :

ساقزک ننته قریبه سی ساکنه لرندن حاجی ماریا- قوفوره نالک قریبه مذکوره اهالیسنندن اولوب اقامتکاهی مجهول بولنان قسطی ولد نیقولی یچولیبی نام دیگر قاولی علینه اقامه ایلدیکی الاجق دعوا- سنک اجرای محاکمه سی سنه حالیه مایسنک اتوز برنجی کونه قرارلشدیرلمش و اولباید تنظیم ایدیلان دعوتیه ورقه سی محکمه دیوانخانه سنه تعلیق ایدلمش اولغله مدیون مرقومک یوم مذکوره بالذات ویا بالوکاله دعوت واقعه اجابت ایتسی لازم کله جکی و ایتدیکی تقدیرده حقنده معامله قانونیه ایفا ایدیله جکی اعلان اولنور .

اعلومات شرعیه اجرا دأره سنده :

متوفاه ثروت خانم ورنه سنک ، متوفی بیکباشی طاهر افندی زوجه سی خالصه و لابون قزقرنداشی ذلیخا و کیره کریمه سی مرزوقه خانلر ذمتلرنده قسمت عسکریه محکمه سنندن اعطا قلنان برقطعه مقتضا اعلامی موجبجه آلاجلقاری اولان مبالغ معلومه نک تأمین استیفاسی ضمننده مدیون مومی الیه مانک عهده لرنده اولوب مرهون و فروختی محکوم بولنان ایوبده حاجی خسرو محله سنده صواقلر جاده سننده واقع یکریمی نومرو ایله مرقم بر باب وقف بوستان کدکنک یوز یکریمی سهم اعتباریله یوز بش سهم حصه شایعه سنک اشبو تاریخ اعلاندن اعتباراً اون بش کون صکره بالمزاید فروخته تشبث اولنه جغندن طالب اولوب پی سورمک ودها زیاده معلومات آلتق استیانلرک مدت مذکوره ختامندن صکره در سعادت اعلامات شرعیه اجرا دأره سنه مراجعت ایللری اعلان اولنور .

اعلومات نظامیه اجرا دأره سنده :

عدد ۲۱ فطوغراف ماکنه سی ۲ فطوغراف جلا ماکنه سی

۲ استروسقوب ۱ غراموفون ماکنه سی ۱۰ صغیر و کیر دوربین ۲۰۰ غراموفون هوا کاغدی روم خسته خانه لرینک در سعادت بدایت محکمه سی ایکنجی حقوق دأره سنندن استحصال ایلدیکی برقطعه اعلام موجبجه فطوغراف آلانجیبی قسطاکی آکسرجی اوغلی ذمتنده اصالة و کفالة محکوم به آلاجنی اولان مبالغک تأمین استیفاسی ضمننده مرقومک مالی اولوب حجز آلتنه آلدیریلان بروجه بالا ایکی یوز اتوز آلتی عدد اشیا شهر حال رومینک یکریمی آلتجی بازار ایرتسی کونی چارشوی کیره بدستانده بالمزاید فروخت ایدیله جکنندن طالب اولانلرک یوم مزبورده محل مذکوره حاضر بولملری در سعادت اعلامات نظامیه اجرا دأره سنندن اعلان اولنور .

بلک اوغلی بدایت محکمه سی اجرا دأره سنده :

حسین خالد بکک ثانیه خانم ذمتنده محکوم به آلاجنی اولان آلتش عدد لیرای عثمانینک مع فائض و مصارف محاکمه تأمین استیفاسی ضمننده داین مومی ایله عهده سنه مرهون و فروختی محکوم اولان طوبخانه ده جهانگیر محله سنده بش نومرولی خانه نک تاریخ اعلاندن اعتباراً اون بش کون صکره بالمزاید فروخته تشبث اولنه جنی اعلان اولنور .

شیله قصبه سنک حصار محله سی اهالیسنندن عباچی

استفوق کریمه سی دومنیچه نک قطروب اوغلی واسیل ذمتنده با اعلام محکوم به مطلوباتی بولنان معلوم المقدار مبالغک تأمین استیفاسی ضمننده مدیون مرقومک پدری متوفی قطروب اوغلی پناشدن حصه ارثیه سنه اصابت ایدن و محجوز اولوب فروختی قرارلشدیریلان شیله قصبه سنک حمام دره محله سننده شرقاً سمرجی اوغلی مصطفی باغی ، غرباً سعیدی افندی اوغلی محمد امین باغی ، شمالاً طریق ایله محدود بریحق دونم باغ یرینک درت حصه ده اوچ حصه سی وینه حاجی پاشا چشمه سی جوارنده حمزه بک و قفندن شرقاً بیکار اوغلی استاوری ، غرباً سمرجی حسین باغلری ، شمالاً و جنوباً صاحب سند باغی ایله محدود اوچ دونم باغک درت حصه ده اوچ حصه سی وینه قصبه مذکوره نک کوچک کلیسا زقاغنده جانب یمینی قطروب اوغلی دیمتری خانه سی ، دیگر اوچ طرفی طریق ایله محدود ملک خانه نک درت حصه ده بر حصه سی وینه قصبه مذکوره نک ترسانه محله ده جانب یمینی دره و یساری چورباچی ایلیانک فرونی و آرقه سی چورباچی ایلیانک خانه سی و جبهه سی یول ایله محدود صرف ملک بر باب فابریقه نک درت

حصه ده اوچ حصه سی که حصص مذکوره طقوز سهم اعتبار ایدلمش اولق حسبله مدیون مرقوم واسیله اصابت ایدن ایکیشر سهمی تاریخ اعلاندن اعتباراً اون بش کون صکره بالمزاید فروخته تشبث اولنه جنی شیله قضاسی بدایت محکمه سی اجرا دأره سنندن اعلان اولنور .

شیله قصبه سنک حصار محله سی اهالیسنندن عباچی استفوق کریمه سی دومنیچه نک محله مذکوره ده مقیم قطروب اوغلی واسیل ذمتنده با اعلام محکوم به آلاجنی بولنان مبالغک تأمین استیفاسی ضمننده حجز آلتنه آلتهرق بالمزاید فروختی قرارلشدیریلان مدیون مرقومک والده سی متوفاه از مراغدی قادیسنندن ارثاً انتقال ایدوب مقدم موقع مزایدیه چیقاریلان اوقاف هایونه ملحق حمزه بک و قفندن شرقاً بیکار اوغلی استاوری غرباً سمرجی حسین باغلری ، شمالاً و جنوباً صاحب سند باغی ایله محدود اوچ دونم باغک درت حصه ده بر حصه سنک اتوز التیشر سهم اعتباریله اتی سهمی : درت یوز التیش ایکی وینه حمام دره شرقاً سمرجی اوغلی مصطفی باغی ، غرباً سعیدی افندی اوغلی امین باغی شمالاً طریق ایله محدود بریحق دونم باغ یرینک درت حصه ده بر حصه سنک اتی سهمی : ایکی یوز طقسان ایکی وینه محله مذکوره کائن قالفه زقاغنده جانب یمینی طریق و یساری حاجی خرستو خانه سی و آرقه سی موطو اوغلی پالویی خانه سی و جبهه سی یول ایله محدود خانه نک درت حصه ده بر حصه سنک اتی سهمی : بشیوز قرق ایکی وینه محله مذکوره اسکله موقنده کائن جانب یمینی دره و یساری چورباچی ایلیانک فرونی و آرقه سی مرقوم ایلیانک خانه سی و جبهه سی یول ایله محدود خانه نک درت حصه ده بر حصه سنک اتی سهمی : بیک ایکی یوز وینه محله مذکوره کوچک کلیسا زقاغنده کائن جانب یمینی قطروب اوغلی دیمتری خانه سی و اوچ طرفی طریق ایله محدود خانه نک درت حصه ده بر حصه سنک اتی سهمی : اتی یوز الی ایکی غرو شده که جمعا ایکی بیک طقوز یوز الی غرو شده طالب بولنان داینه مزبورده دومنیچه عهده سنده تقرر ایتش اولدیغندن بوندن زیاده یعنی یوزده بش ضم ایله طالب اولانلرک ودها زیاده معلومات آلتق ایستیانلرک تاریخ اعلاندن اعتباراً اتوز برکون ظرفنده دأره اجرایه مراجعتله پی سورملری لازم کله جکی و مدت مذکوره رهنک انقضاسنی متعاقب قرار قطعیمی کشیده قلنه جغندن اندن صکره ضم قبول اولنیه جنی شیله قضاسی بدایت محکمه سی اجرا دأره سنندن اعلان اولنور .